



# Il mas-chalch da Sent

Publicaziuns officialas. Cumpara seguond bsögn.

2009/2011

no. 18

7554 Sent, 15 schner 2010 / bmr

## Publicaziun da fabrica

### Dumonda BAB

**Reguarda:** Ingrondimaint parc da suas, Sur En

**Patrun da fabrica:** Seilpark Engadin GmbH, 7554 Sur En

**Profilà:** 1. december 2009

**Publicaziun:** 15 schner 2010

**Termin da protesta:** 3 favrer 2010

---

**Reguarda:** Ingrondimaint abitaziun e fouras geotermicas,  
Chasellas 57 A, 7554 Sent.

**Patrun da fabrica:** Armon Schmidt, Chasellas 57 A, 7554 Sent

**Profilà:** 10 december 2009

**Publicaziun:** 15 schner 2010

**Termin da protesta:** 3 favrer 2010

---

### Correctura da la publicaziun da fabrica cumparüda i'l Mas-chalch dals 17 december 2009

**Reguarda:** Renovaziun piazza e tet in üert, Sot Pradè 221, 7554 Sent

**Patrun da fabrica:** Angelica Biert, Sot Pradè 221, 7554 Sent

**Profilà:** --

**Publicaziun:** 15 schner 2010

**Termin da protesta:** 3 favrer 2010

---

**Ediziun:** Tuot ils plans sun exposts in büro cumünal.

**Recuors:** Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

**La cumischiun da fabrica**

## Uorden da parcar

Sco fingià manzunà aint il Mas-chalch dals 3 december 2009 ha la pulizia chantunala surtut a partir dals 1. december 2009 las incumbenzas da la pulizia cumünala. La pulizia chantunala pretenda chi gnian tuttas davent las vignettas veglias e cha las vignettas hajan in avegnir da gnir montadas be sülla fanestra davant (Frontscheibe).

Il Cussagl cumünal comunichescha a tuot las societats ed organisaturs da far parcar ils autos in cas d'arrandschamaints (concerts, discos, teater e.u.i.) süls implants publics. Las controllas vegnan intensivadas.

### Il Cussagl cumünal

## Reglas Mas-chalch

Illa radunanza cumünala dals 29 settember 2009 d'eira gnü remarchà ch'aint il Mas-chalch saja stat publichà ün massa grond inserat d'üna persuna privata. I dà adüna darcheu glieud privata chi publichescha, cunter pajamaint, infuormaziuns o inserats. Per far quai faja dabsögn da reglas impegnativas. Il Cussagl cumünal decida dad introdüer pel Mas-chalch las seguaintas reglas:

## Lingua dal Mas-chalch

I vegnan tut incunter be texts da lingua rumantscha. Texts dubels in rumantsch ed in tudais-ch sun admiss.

## Grondezza dals inserats per persunas privatas

La grondezza da l'inserat das-cha importar il plü bler üna mezza pagina A4.

## Cuosts per persunas privatas

Fin ¼ pagina sco fin uossa	frs. 30.--
¼ fin ½ pagina	frs. 60.--

### Il Cussagl cumünal

## Giantar cumünaivel

Nos giantar cumünaivel ha lö als 20 schner 2010 a las 12.00 h al restorant Fontana. Sperain cha no possan passantar darcheu ün pêt bellas uras insembel. Annunzchas piglia jent incunter duonna Erica Clalüna, tel. 081 864 07 59 (laschar sclingiar lösch!).

### La corporaziun evangelica



Sarandschasch 7554 Sent / 081 864 05 52 / scuola.sent@sent-online.ch

Societats e privats chi lessan douvrar la sala da gimnastica per ün arrandschamaint ston far la dumonda in scrit a Jon Cantieni, respunsabel pel stabilimaint. Il formular „dumanda d'adöver“ as chatta suot [http://www.sent-online.ch/scoula/formulars/formular\\_adoever.pdf](http://www.sent-online.ch/scoula/formulars/formular_adoever.pdf). Sainza permiss in scrit nu sta a disposiziun il stabilimaint. Grazcha fich per vossa incletta.

### Il Cussagl da scuola

## Tscherchà

Tscherchà üna persuna chi vain a pulir ün' abitaziun da vacanzas a Sent. Pitschnas cugnueschentschas da la lingua tudais-cha, inglesa o francesa sun giavüschadas. Annunzchas piglia incunter sar Adrian Zangger, tel. 076 501 40 24.

## Da dar a fit a Sent

Tscherchè da dar a fit a Sent a Stron 245, a partir dals 1. marz 2010, ün' abitaziun da 5 stanzas, möblada o na möblada. Fit al mais excl. cuosts supplementars frs. 1'700.--. Pussibilità d'üna 4. stanza da dormir per frs. 200.-- al mais implü. Pussibilità da lavurs da pedel.

Tscherchè da dar a fit a Sent a Stron 245, a partir dals 1. marz 2010, ün' abitaziun da 2 stanzas, möblada o na möblada. Fit al mais excl. cuosts supplementars frs. 900.--. Pussibilità da lavurs da pedel.

Annunzchas piglia incunter sar Adrian Zangger, tel. 076 501 40 24 o [a.zangger@bigpond.com](mailto:a.zangger@bigpond.com)

**Adrian Zangger**

## Da vender a Sent

Da vender a Sent üna parcella da fabrica in Costa dad Archas part da la parcella 5 / 425, 562 m2, insembel cun üna garascha dubla. Infuormaziuns dà il suotsegnà.

Offertas sun d'inoltrar fin als 25.01.2010 a seguaint' adressa:

**Andry Fiduziari**  
*immobiglias - fiduziari*  
7556 Ramosch  
Tel. 081 860 11 38  
Fax 081 860 11 39  
Natel 079 610 45 35  
E-Mail: [info@andry-fiduziari.ch](mailto:info@andry-fiduziari.ch)



**SENT IN MOVIMAINIT**

Stimada populaziun da Sent

Aint il plan directiv dal cumün da Sent staja scrit suot "Temp liber e sport" chi's vuol provar d'organisar occurrenzas da sport in nos cumün.

Per motivar nossa populaziun da gnir o da restar fits laina organisar üna concorrenza da movimaint per creschüts.

Cun far sport da movimaint da tuotta sort as poja ramassar puncts. Per mincha 1/2 ura sport daja ün punct, p. ex. ir a spass, walking, cuorrier, gimnastica, tennis, ballapé, ballarait, hockey, passlung, skis, nodar e. o. p.

**Sent in movimaint**

- Cumainza als 1. schner 2010 e düra fin als 30 gün 2010.
- La glista per portar aint il gener da sport e ls puncts as poja chargiar giò suot la pagina d'internet [www.sent-online.ch/sport](http://www.sent-online.ch/sport). Quella vain publichada üna jada al mais in chasa cumünala ed aint il internet. Perquai stessat dar giò mincha mais la glista a la cancellaria cumünala.
- La fin da gün 2010 vegnan trais oura trais premis tanter tuot ils partecipants.

No vessan grond plaschair scha bliers creschüts pigliessan part a quista concorrenza!

Schefa da cultura e sport  
Marianne Werro

**I vain publichà be il gener dal sport. Ils noms restan anonims!**